



Nastavak policijske akcije "Damask 4" Nađeno oružje, a osumnjičeni pušteni

Službenici **SIPA-e** jučer su, u nastavku akcije „Damask 4“, pretresli dvorište kuće koju koristi osumnjičeni N.Š. (1988.) na području Velike Kladuše s ciljem pronalaska dodatnih predmeta koji mogu poslužiti kao dokaz u daljnjem postupku.

Pronašli su puškomitraljez M 72 7,62 mm, automatsku pušku AP 47 7,62 mm, vojni karabin M 48 7,9 mm, poluautomatsku pušku PAP 7,62, te veću količinu municije.

Nakon ispitivanja u **SIPA-i** osobe inicijala N.Š. (1988.), A.M. (1960.) i Dž.V. (1989.) iz Velike Kladuše puštene su na slobodu. Njih se sumnjiči za krivično djelo „Protivzakonito formiranje i pridruživanje stranim paravojnim ili parapolicijskim formacijama“ i krivično djelo „Nedozvoljeno držanje oružja ili eksplozivnih materija“, te će protiv njih biti predan izvještaj Tužilaštvu BiH, saopćeno je iz **SIPA-e**.

Tokom proteklog vikenda

SIPA-je privela Senada Koštaca iz Velike Kladuše, koji je uhapšen u Turskoj u pokušaju da se priključi tzv. Islamskoj državi na sirijskom ratištu. Nakon

ispitivanja u Tužilaštvu, Koštac je također pušten na slobodu uz izrečene mjere zabrane, a protiv njega će biti poduzete zakonom predviđene mjere.



Oružje nađeno u dvorištu osumnjičenog

FOTO: SIPA